



Ad Augustissimum

MAGNAE BRITANNIAE,

Galliae, et hiberniae regem dominum

Suum Clementissimum

Alexandri Iulij

*Terra marique metus et stupor.*

*Handwritten text, likely a library or collection stamp, partially legible.*



MUSEVM  
BRITAN  
NICVM

DUPLICATE  
FOR SALE 1769



*Una eademque patri et tulimus donaria nato,  
Nempe hic unus erat cum patre, et unus erit.*





# Ad Augustissimum

MAGNAE BRITANNIAE,

Galliæ, et hiberniæ regem dominum

Suum Clementissimum

Alexandri Iulij.

*Terra marique metus et stupor.*

**Q** Vis locus in terris, quis erit mihi tutus in vndis?  
 Cum toties terra videar iactatus et vnda; (rum  
 Vndique quem circum stupor, et fremuere mina-  
 Fulmina, vibrato timor et mors lurida telo.

Dum peto metropolin Colossa puppe Britannam,  
 Regni insigne caput fama super æthera notum  
 Delicias secli studio feruente videndi;  
 Fluctibus in mediis quantus pavor hauserat imo  
 Pectore corda meo, et sensus stupefecerat omnes!  
 Quantaque confusam capit admiratio mentem!  
 Membra ratis rapidas ventis agitata per vndas,  
 Nec rupta immenso passim fluitare profundo;  
 Nec vasta inclusos robur quos vexerat aluo  
 Squamigera absumptos turba, nec merfa marinis  
 Corpora nautarum præberi pabula monstis,  
 Præsentem cum cuncta viris, puppique ruinam  
 Intentant cæli fragor, et Neptunia regna;

Cùm medium abruptens aduerso flamine cursum  
 Horrendumque tonans Auster de tramite recto  
 Flexerat, et contrà obnixos Aquilonis in ortus  
 Traxit, et immixtæ classi laxantur habenæ,  
 Ambiguique malis stupet ars et cura magistri:  
 Hic mors certa mihi, non expectandus ad actam  
 Appulsus fuerat, lustrato aspergine ponti:  
 Prætereo reliquas exhausta pericla per oras,  
 Et quoties trepidum patria et torqueret Ierne,  
 Non minus his terris, cum jam compleuerit orbem  
 Cynthia bis senos, conducti creditor æris  
 Hospita, mercator, turba et studiosa popinæ,  
 Scriptaque dica, suo cum debita jure reposcunt,  
 Carceris hinc tenebræ me, deficiente crumena,  
 Exanimant, et membra vetant resouere quiete;  
 Qua mihi mors potior vitæ ratione videtur:  
 Nec minor, in terra hac firma vestigia planta  
 Figere cùm licuit, trepidos stupor occupat artus;  
 Virget et inertes sensus, et lumina mentis  
 Perstringit, causas rimor dum forte latentes,  
 Cur regno in tanto, læta indulgentia fortis  
 Quod fouet, ingenijs, opibus, virtute, senatus  
 Confilijs florente bonis, et honore vigente,  
 Regifico in luxuque Arabumq; in diuite Gaza;  
 Inter amicitia quondam consortia blandæ  
 Inter et innumeros tenuis nostræ artis alumnos  
 Posse putem fieri tantarum vt copia rerum,  
 Nulla ope defectas ære argentoque crumenas  
 Subleuet, infusa diducta per ora medela; (tem  
 Quò magis illa sequor cupidè, magis illa sequen-  
 Me fugère, propinquantem fugitiua relinquunt,  
 Vt prope Tantaleos fluuios, hortique colonus  
 Tantalei siccas vrat sitis arida fauces  
 Et confecta fame jeiuna membra laborent;



Turbaq; fautorum quondam numerosa meorum  
 Diues opum, pauperq; animi quid amica recuset  
 Pignora, musarum comitemq; et sacra colentem  
 Nunc ope destituens, mutata mente, jacentem?

Non ego more canum iactos vrgerè lapillos  
 Institutam, insana numenque laceßere voce,  
 Immeritumq; meæ tempus genitabilis horæ, et  
 Sidera iniqua mihi dira exagitare querela:  
 Si documenta meæ voluerunt commoda vitæ,  
 Quæ patiendæ mihi veniunt mala, fata sinistra;  
 Id si erat in fatis, mihi sunt mea fata sequenda,  
 Nec spectanda pio est malegratæ iniuria mentis;  
 Hinc placidè amplector nigro liuentia tabo  
 Pectora, sic gratum est fucati crimen amici,  
 Sustineoque volens vanæ conuitia linguæ,  
 Paupertatis onus toleranter ferre laboro;  
 Sic mens nixa deo firmè, discrimina fortis  
 Prouocat, vt pelagi rupes scopulosa protellas  
 Cum sint visceribus diuinæ hæc spicula dextræ  
 Fixa meis, putris queis vomica rumpitur altè  
 Insita, ne longè latè que per omnia serpat;  
 Tristius, vt quæ jam dederant, ea vulnera curent;  
 Tanta dei accensam clementia temperat iram;  
 Ille mihi in tenebris præluçens, lumina vultus  
 Illustrata sui radiis me vertere in vnum  
 Te docuit, regni decus et tutela, Britanni;  
 Ingenii meritis totum qui impleueris orbem,  
 Per quem iam posito pacantur secula bello;  
 Pacifici vt titulis regisque fruare beati,  
 Aurea dum tacito labentur sidera cælo;  
 Qui merito regni et regis contentus honore  
 Spreueris argenti congesti pondera et auri;  
 Quemq; iuvabat opes laudum cumulare tuarum,  
 Inque animis hominum veram hanc deponere gazam:

En tibi posse datur turbata nubila mentis,  
 Curarumque æstus, motosque abolere tumultus  
 Pectoris, et stupida formidine corda leuare,  
 Tranquillare animos, et dura retexere fata,  
 Dura mihi, domino regi non dura volenti.  
 Ergo age munifica, Cæsar, tot millia dextra  
 Exhilarata beans, quot magna Britannia latis  
 Educat aruorum campis, nunc aureus imber  
 Prædioli riget arua mei, frontisque serenæ  
 Auramicans foueat, radijs tepesacta fauoris:  
 Si malefæcundæ mandes hæc semina terræ,  
 Luxuriantis agri messes granaria rumpent;  
 Deque tuo ingenium pendens mutabile vultu,  
 Aut hebes auerso cadet, erectumue sereno  
 Carmen inauratum vena de diuite fundet.  
 Quin scio, nec mihi mens jam spe blanditur inani,  
 Pristina nec fluxit, nec erit mutata voluntas  
 Regia, nec fuerit labor hic effusus, et ægro  
 Nunc laceræ luctu votis potiora camænz, et  
 Plura ferent, vt apud memores stet gratia facti,  
 Et genio cæli post liberiore fruantur.

Calend. Ianuarij. 1617. Ad regem  
*benignissimum, strenu.*

**P**erfricuit frontem nostræ temeraria musæ  
 Pagina, iudicium jam subitura tuum;  
 Qui sacra mularum studio florente colebas,  
 Qui potes et Clario condere digna deo;  
 Et quanto solij triplicis diademate fulgens  
 Altior es nostri conditione loci;  
 Tanto etiam vates sub te premis altior omnes,  
 Cum fuit ingenij vena benigna tui:  
 Sed tamen augustæ diuina modestia mentis,

Hæc

(7)

Hæc in te quamvis omnia summa, premit;  
Hæc qui summa dedit, longæque tempora vitæ  
Augeat, et voti summa sit ista mei:  
Te viuo, incolumi, sat amico te mihi sælix  
Quæ dicenda bono sunt bona verba die.

Calend. eisdem ad Carolum Principem  
*serenissimum, strenu.*

**M**Vt tua munificis Iani cum danda Calendis  
Munera sint, musæ muneris instar erunt;  
Quæ prius obductis longum latuere tenebris,  
Se cupiunt radijs exhilarare tuis:  
Vindice te, mersum caput exertare vicissim  
Vt iuvet, et genio liberiore frui,  
Et tanti Herois chartas implere capaces  
Laudibus, oprata cum releuantur ope:  
Argenti venas, fulvi venatur et auri  
Quilibet arte bona, Marte vel arte mala;  
Sordet ea amufis, splendet quæ vena Camænis  
Ingenij, at musis vtræque grata meis;  
Has inopes opibus venum proponere venas  
Non pudet ingenij, et vendere verba tibi,  
Ista precaturas mensis cuiusque Calendis;  
Det deus ut dignus sic videaris auis,  
Tantis dignus auis, et dignus vtroque parente,  
Imperio ut redeant aurea secla tuo;  
Nestoreosque piam vitam protendat in annos  
Sufficiens patris pectus et ora tibi:  
Prospera sic semper maneat fortuna, beata ut  
Vndique sit cunctis vita referta bonis.

FINIS.

THE UNIVERSITY OF CHICAGO

PHYSICS DEPARTMENT

CHICAGO, ILLINOIS

1955

RECEIVED

1955

1955

1955

1955

1955

1955

1955

1955

1955

1955

1955

1955

1955

1955

1955

1955

1955

1955

1955

1955

1955

1955

1955

1955



